

**UNIVERSITY OF SARAJEVO  
FACULTY OF SCIENCE**

Broj: 01/01-2601/6-2015  
Sarajevo, 29.10.2015.

Zmaja od Bosne 33-35  
Sarajevo  
Bosnia and Herzegovina  
Phone ++387 (0)33 723723  
Fax ++387 (0)33 649359

Na temelju člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-2601/5-2015 od 29.10.2015. godine, u postupku nabavke roba – Laboratorijska oprema LOT 4 – Vertikalni autoklav, Dekan Prirodno-matematičkog fakulteta Univerziteta u Sarajevu je donio

**O D L U K U**  
**o izboru najpovoljnijeg ponuđača**  
**u otvorenom postupku za dostavu ponuda**

**Član 1.**

**Prihvata se Preporuka Komisije za nabavke**, broj: 01/01-2601/5-2015 od 29.10.2015. godine i ugovor za nabavku **roba – Laboratorijska oprema, LOT 4 – Vertikalni autoklav** dodjeljuje se ponuđaču **Analitika d.o.o. Sarajevo**, za ponudenu cijenu **8.495,00 KM bez PDV-a**, kao najbolje ocijenjenom ponuđaču.

**Član 2.**

Prijedlog ugovora o nabavki dostavit će se na potpis izabranom ponuđaču **Analitika d.o.o. Sarajevo**, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

**Član 3.**

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

**Član 4.**

Ova odluka objavit će se na web-stranici [www.pmf.unsa.ba](http://www.pmf.unsa.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01/01-2227/1-2015 od 21.09.2015. godine

Javna nabavka je provedena putem otvorenog postupka za dostavu ponuda. Procijenjena vrijednost javne nabavke za LOT 4 – Vertikalni autoklav bez PDV-a je 14.000 KM.

Obavijest o nabavci broj: 654-1-1-90-3-8/15 poslat je na objavu dana 21.09.2015. godine i istog dana je objavljen na Portalu javnih nabavki, a u Službenom glasniku BiH br. 76 objavljeno je 28.09.2015. godine.

Komisija za nabavku imenovana je Odlukom broj: 01/01-2227/2-2015 od 21.09.2015. godine.

Dana 29.10.2015. godine Komisija za nabavku dostavila je Zapisnik o pregledu i ocjeni ponuda kao i Izvještaj sa preporukom komisije o izboru najpovoljnijeg ponuđača za nabavku roba- Laboratorijska oprema, **LOT 4 – Vertikalni autoklav.**

Utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: tri;
  - da su blagovremeno zaprimljene tri ponude, od kojih su dva kvalifikovana ponuđača.
  - da je ponuda ponuđača Analitika d.o.o. Sarajevo i Hidraulika Hukić d.o.o. Tuzla u skladu sa tenderskom dokumentacijom.
  - da ponuđač MPSlab d.o.o. Sarajevo nije dostavio kopiju potvrde Centralne banke Bosne i Hercegovine da račun nije blokiran u posljednjih šest mjeseci kao što je bilo naznačeno u tenderskoj dokumentaciji tački 13. Ostali uslovi za kvalifikaciju.
- Ponuđač MPSlab d.o.o. Sarajevo je dostavio kopiju potvrde UniCredit Bank d.d. da račun nije blokiran u posljednjih šest mjeseci, što nije u skladu sa tenderskom dokumentacijom i tačkom 13. Ostali uslovi za kvalifikaciju i kao takva ponuda nije uzeta u daljnje razmatranje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-2601/5-2015 od 29.10.2015. godine, navedene ponude ispunjavaju uslove u skladu sa tenderskom dokumentacijom otvorenog postupka i smatraju se prihvatljivim, te je na osnovu toga sačinjena rang lista prihvatljivih ponuda, **počevši od napovoljnije:**

#### **Rang lista ponuđača**

<b>R.br.</b>	<b>Naziv/ime ponuđača</b>	<b>Ponudena cijena (bez PDV-a)</b>
1.	Analitika d.o.o. Sarajevo	8.495,00 KM
2.	Hidraulika Hukić d.o.o. Tuzla	12.300,00 KM

U skladu sa članom 66. Zakona o javnim nabavkama Bosne i Hercegovine („Sl. glasnik BiH“, broj: 39/14) i člana 17., tačka 7. Uputstva za pripremu modela tenderske dokumentacije i ponuda („Službeni glasnik BiH“, broj: 90/14) zatraženo je dopisom broj: 01/01-2601/2-2015 od 23.10.2015. godine pismeno obrazloženje ponude od ponuđača Analitika d.o.o. Sarajevo s obzirom da je ponuđena cijena nabavke ponuđača Analitika d.o.o. Sarajevo niža za više od 20% od cijene drugorangirane prihvatljive ponude ponuđača Hidraulika Hukić d.o.o. Tuzla.

Dana 29.10.2015. godine ponuđač Analitika d.o.o. Sarajevo je dostavio odgovor sa obrazloženjem da je ovlašteni zastupnik firme Nuve, Turska i da je za ovaj predmet nabavke dobio cijene umanjene za 10% od fabričke cijene, da je svoju maržu umanjio za 10% kako bi bio konkurentan te da je ponuđena cijena nabavke u skladu sa poslovnom politikom firme Analitika d.o.o. Sarajevo. Uvažavajući obrazloženje ponuđača Analitika d.o.o. Sarajevo Komisija za nabavke je konstatovala da ne postoje elementi neprirodno niske cijene.

**Shodno navadenom, Komisija je prema utvrđenom kriteriju najniže cijene dala preporuku da se u predmetu nabavke Laboratorijska oprema, LOT 4 Vertikalni autoklav donese Odluka o dodjeli ugovora ponuđaču Analitika d.o.o. Sarajevo, čija cijena ponude iznosi 8.495,00 KM.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

**Dokaze o kvalifikaciji izabranog ponuđača, isti je dužan dostaviti u roku od 3 (tri) dana od dana dostavljanja Odluke o izboru najpovoljnijeg ponuđača.**

**Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

**DEKAN FAKULTETA**

Prof. dr Rifat Škrijelj

**Dostaviti:**

- Ponuđaču: **MPSlab d.o.o. Sarajevo**
- Ponuđaču: **Analitika d.o.o. Sarajevo**
- Ponuđaču: **Hidraulika-Hukić d.o.o Tuzla**
- Dosije nabavki
- a/a